



XUNTA DE GALICIA
CONSELLERÍA DO MEDIO RURAL



GOBIERNO
DE ESPAÑA

MINISTERIO
DE AGRICULTURA, PESCA
Y ALIMENTACIÓN



Fondo Europeo Agrícola
de Desenvolvemento Rural:
Europa inviste no rural

PDR 2014_2020 DE GALICIA

PROGRAMA DE DESENVOLVEMENTO RURAL

Medida 16
Cooperación

Submedida 16.2
Axudas para proxectos piloto e
desenvolvemento de novos produtos,
prácticas, procesos e tecnoloxías



XUNTA DE GALICIA
CONSELLERÍA DO MEDIO RURAL



GOBIERNO
DE ESPAÑA

MINISTERIO
DE AGRICULTURA, PESCA
Y ALIMENTACIÓN



Fondo Europeo Agrícola
de Desenvolvemento Rural:
Europa inviste no rural



Índice

1.	<u>Medida 16. Cooperación</u>	2
1.1.	<u>Submedida 16.2 Axudas para proxectos piloto e desenvolvemento de novos produtos, prácticas, procesos e tecnoloxías</u>	3
1.1.1.	<u>Que tipo de actuacións se financian?</u>	3
1.1.2.	<u>Quen pode solicitar esta axuda?</u>	3
1.1.3.	<u>Como se outorga a axuda?</u>	4
1.1.4.	<u>Que tipo de gastos se financian?</u>	4
1.1.5.	<u>Que requisitos se han de cumprir para recibir a axuda?</u>	5
1.1.6.	<u>Que criterios serán utilizados para a selección?</u>	6
1.1.7.	<u>A canto ascende esta axuda?</u>	6
1.1.8.	<u>Quen xestiona esta axuda?</u>	6
1.1.9.	<u>Marco normativo</u>	6
1.1.10.	<u>Documentos e ligazóns relacionados</u>	7

1. Medida 16. Cooperación

Para este período 2014-2020 a Unión Europea aposta pola innovación nos proxectos, produtos, prácticas, procesos e tecnoloxías que afectan ao sector agrario, forestal e agroalimentario. É por iso, que no Programa de Desenvolvemento Rural se trata a cooperación como un elemento transversal e se orienta principalmente á innovación. A medida de cooperación componse dun conxunto de 7 axudas que fomentan o traballo en conxunto co fin de incluír melloras nos sectores agrario, forestal e agroalimentario galegos.

Dado que a cooperación se entende como unha medida transversal ao conxunto de actuacións recollidas no Programa de Desenvolvemento Rural de Galicia 2014-2020, fórmulanse dúas liñas de traballo, por unha banda, as axudas referidas ao desenvolvemento de proxectos piloto e novos produtos, prácticas, procesos e tecnoloxías nos sectores agrícola, forestal e cadea alimentaria. E polo outro, as axudas destinadas a fomentar a cooperación como eixo condutor do cumprimento das prioridades de desenvolvemento rural.

Para iso, artículanse as seguintes submedidas:

Submedida 16.1 Apoio para a creación e o funcionamento de grupos operativos da EIP en materia de produtividade e sustentabilidade agrícolas

- Operación 16.1.1: Axudas á creación de grupos operativos da AEI
- Operación 16.1.2: Axuda para a execución de proxectos dos grupos operativos da AEI

Submedida 16.2 Axudas para proxectos piloto e desenvolvemento de novos produtos, prácticas, procesos e tecnoloxías

Submedida 16.3 Cooperación entre pequenos operadores para organizar procesos de traballo conxunto e compartir instalacións e recursos, así como para o desenvolvemento / a comercialización do turismo

Submedida 16.4 Apoio para a cooperación horizontal e vertical entre os axentes da cadea de subministración para a creación e o desenvolvemento de cadeas de distribución curtas e mercados locais e para actividades de promoción nun contexto local relacionado co desenvolvemento de cadeas de distribución curtas e mercados locais

Submedida 16.5 Apoio para accións conxuntas realizadas con vistas á mitigación ou a adaptación ao cambio climático e para enfoques conxuntos con respecto a proxectos medioambientais e prácticas medioambientais en curso

Submedida 16.8 Apoio para a elaboración de plans de xestión forestal ou instrumentos equivalentes

1.1. Submedida 16.2 Axudas para proxectos piloto e desenvolvemento de novos produtos, prácticas, procesos e tecnoloxías

A medida financia iniciativas de cooperación en materia de innovación nos sectores agrícola, alimentario e forestal. As iniciativas traduciranse na implantación de proxectos piloto ou no desenvolvemento de novos produtos, prácticas, procesos e tecnoloxías. En ningún caso financiaranse proxectos de investigación básica.

O desenvolvemento poderá entenderse tanto como a incorporación de novidades como a aplicación de produtos, prácticas, procesos e tecnoloxías xa existentes en condicións onde tradicionalmente non se utilizaron previamente. Con todo, non se poderán financiar proxectos xa realizados en territorios e condicións similares.

1.1.1. Que tipo de actuacións se financian?

A medida financia iniciativas de cooperación en materia de innovación nos sectores agrícola, alimentario e forestal. Estas iniciativas traduciranse na posta en marcha de proxectos piloto ou no desenvolvemento de novos produtos, prácticas, procesos e tecnoloxías. En ningún caso financiaranse proxectos de investigación básica.

O desenvolvemento poderá entenderse tanto como a incorporación de novidades como a aplicación de produtos, prácticas, procesos e tecnoloxías xa existentes en condicións onde tradicionalmente no se utilizaron previamente. Non obstante, no se poderán financiar proxectos xa realizados en territorios e condicións similares.

1.1.2. Quen pode solicitar esta axuda?

Poderán ser beneficiarios as persoas físicas ou xurídicas que presenten unha solicitude de axuda para a realización dun proxecto piloto ou o desenvolvemento de novos produtos, prácticas, procesos e tecnoloxías nos sectores agrícola, alimentario e forestal segundo o establecido no artigo 35.2 do Regulamento (UE) 1305/2013.

Priorizarase a participación dun centro de investigación ou tecnolóxico de natureza pública ou privada. Poderán incorporar tamén a entidades sen ánimo de lucro que promovan a investigación, a innovación ou o desenvolvemento do medio rural, así como as que desenvolvan actividades de promoción, asesoramento, dinamización ou financiamento de proxectos nos ámbitos agrarios, forestal ou da cadea alimentaria ou outras entidades asesoras con intereses recoñecidos no ámbito rural. Contarán con procedementos internos que garantan a transparencia no seu funcionamento e toma de decisións e eviten conflitos de intereses.



Poderán ser beneficiarios desta submedida igualmente, entidades dependentes da Administración autonómica e outras organizacións particulares, con capacidade e recursos técnicos propios de innovación acreditados.

1.1.3. Como se outorga a axuda?

A axuda da submedida 16.2 terá dous modalidades:

Investimento directo nos casos de proxectos autorizados de innovación con interese estratéxico e que serán liderados polas entidades dependentes da Administración autonómica

Subvención outorgada aos proxectos privados en convocatoria aberta, seguindo os principios establecidos nas bases reguladoras da subvención.

Todos os proxectos deberán superar o limiar mínimo de puntuación esixido para a súa consideración como subvencionables.

As axudas, en todo caso, concederanse mediante un procedemento de convocatoria pública de acordo cos principios de publicidade, obxectividade, transparencia, igualdade e non discriminación.

Que tipo de gastos se financian?

Poderanse subvencionar os custos directos vinculados aos proxectos aprobados. En particular: gastos en infraestruturas estritamente necesarias para o desenvolvemento dos proxectos, equipamento e material inventariable (aparells, equipos,...), gastos de funcionamento, subministracións e material funxible, gastos de persoal investigador ou auxiliar, custo de colaboracións externas e outros custos indirectos nas condicións establecidas polo artigo 68 do Regulamento (UE) 1303/2013.

Serán subvencionables os gastos incluídos nalgunha das seguintes categorías:

Os gastos de posta en marcha e funcionamento do proxecto, produto, práctica, proceso e tecnoloxía ou cooperación.

Os gastos relacionados coa organización de xornadas ou edición de material de difusión (publicacións, webs, asistencia a congresos ou feiras, visitas recibidas con relación ao proxecto).

Os gastos de persoal técnico que participe no proxecto ou proposta. Neste caso, os importes subvencionables por hora de traballo, para cada categoría laboral serán os que resultan de dividir as cantidades seguintes entre 1.750, cun máximo anual equivalente á suma total establecida para cada categoría:





- Titulado superior: 32.000 € anuais
- Titulado medio: 27.000 € anuais
- Técnico de FP de grao superior: 22.000 € anuais
- Categorias laborais distintas das anteriores: 18.000 € anuais

Os custos derivados do aluguer de equipos, instalacións ou fincas destinadas á realización das actuacións.

Os custos derivados da compra de equipos e equipamento estritamente necesarios para a realización da actuación. En caso de compra de equipos de segunda man, deberán respectarse as condicións do artigo 13, letra b), do Regulamento Delegado (UE) 807/2014, debendo ademais achegarse certificado de taxador independente debidamente acreditado e inscrito no correspondente rexistro oficial.

Os custos de desprazamento e dietas relacionados coas actividades do proxecto

Os gastos de adquisición de fondos bibliográficos relacionados coa actividade

Os gastos de adquisición de pequeno equipamento científico-técnico

Custos derivados da subcontratación de servizos tecnolóxicos

Custos relativos á protección dos resultados (rexistro de patentes, incluído)

Os gastos de material funxible necesarios para o desenvolvemento do proxecto

Os custos derivados da divulgación e transferencia de resultados

En ningún caso serán subvencionables os gastos relativos a investigación básica ou fundamental nin os relativos a investigación independente. Estableceranse custos de referencia con límites máximos admisibles para algúns tipos de gastos, en particular para os relativos á adquisición ou mellora de bens de equipo e funxibles.

1.1.4. Que requisitos se han de cumprir para recibir a axuda?

Só serán elixibles os proxectos de cooperación para innovación en materia agraria, alimentaria ou forestal coherentes coa estratexia galega RIS3 de innovación. A coherencia garátese coa presenza dun representante da Axencia Galega de Innovación no Comité de Valoración dos proxectos.

O informe de valoración emitido por este Comité deberá facer mención expresa á devandita coherencia. Na proposta de proxecto incluírase un acordo de colaboración entre as entidades participantes que inclúa un plan de actuación, a repartición de tarefas entre os compoñentes do grupo e orzamento estimado de gastos.



Todos os proxectos deberán contar cunha planificación detallada da metodoloxía de transferencia de coñecementos e de valorización e difusión de resultados. En todo caso garantirase o acceso público e gratuíto aos resultados.

1.1.5. Que criterios serán utilizados para a selección?

Para garantir a idoneidade dos proxectos seleccionados, a selección requirirá da avaliación previa dos proxectos por un comité científico e profesional multidisciplinar, integrado por expertos cualificados en distintos ámbitos de interese que deberá emitir informes de avaliación dos proxectos presentados. En ningún caso formarán parte do Comité os membros das entidades que participan directa ou indirectamente no proxecto. Os proxectos que non alcancen a puntuación mínima requirida serán devoltos ao promotor para a súa revisión, se procede, ou arquivo definitivo.

Os criterios de selección que se empregarán na selección dos proxectos fundamentaranse nos seguintes aspectos:

Calidade técnica do proxecto

Calidade do equipo técnico

Ideidade dos compoñentes en relación á execución do proxecto e consecución de obxectivos

Alcance e impacto dos resultados

Prioridades temáticas (incluídas no apartado de Información específica)

Proxectos que melloren a competitividade e integren a protección ambiental nos sistemas produtivos

1.1.6. A canto ascende esta axuda?

A intensidade de axuda aos proxectos piloto, desenvolvemento de novos produtos, prácticas, procesos e tecnoloxías será do 80% dos gastos elixibles, no caso de beneficiarios privados; e do 100% no caso de actuacións directas da Administración.

1.1.7. Quen xestiona esta axuda?

Esta axuda está xestionada pola Axencia Galega da Calidade Alimentaria da Consellería do Medio Rural.

1.1.8. Marco normativo

Regulamento (UE) Nº 1303/2013 do Parlamento Europeo e do Consello, do 17 de



decembro de 2013, polo que se establecen disposicións comúns ao FEDER, FSE, Fondo de Cohesión, Feader e FEMP

Regulamento (UE) N° 1305/2013 do Parlamento Europeo e do Consello, do 17 de decembro de 2013, relativo á axuda ao desenvolvemento rural a través do Fondo Europeo Agrícola de Desenvolvemento Rural (Feader)

Regulamento Delegado (UE) N° 807/2014 da Comisión, do 11 de marzo de 2014, que completa o Regulamento (UE) N° 1305/2013 do Parlamento Europeo e do Consello, relativo á axuda ao desenvolvemento rural a través do Fondo Europeo Agrícola de Desenvolvemento Rural (Feader), e introduce disposicións transitorias

Lei 9/2007, do 13 de xuño, de subvencións de Galicia

Decreto 11/2009, do 8 de xaneiro, polo que se aproba o regulamento da Lei 9/2007 do 13 de xuño de subvencións de Galicia

Lei 14/2013, do 26 de decembro, de racionalización do sector público autonómico

Lei 9/2017, de 8 de novembro, de Contratos do Sector Público, pola que trasponse ao ordenamento xurídico español as Directivas do Parlamento Europeo e do Consello 2014/23/UE y 2014/24/UE, de 26 de febreiro de 2014

1.1.9. Documentos e ligazóns relacionados

- ✓ Estratexia de Especialización Intelixente de Galicia (RIS3 Galicia)
http://www.ris3galicia.es/wp-content/uploads/2014/03/ris3_folleto.pdf
- ✓ Axencia Galega de Innovación (Gain)
<http://gain.xunta.gal/>
- ✓ Asociación Europea para a Innovación "Productividade y sostenibilidade agrícolas" (EIP-AGRI)
https://ec.europa.eu/agriculture/research-innovation/eip-agriculture_es
- ✓ Portal de Innovación IDi-A (Ministerio de Agricultura, Pesca e Alimentación)
<http://www.idi-a.es>
- ✓ Programa Nacional de Innovación e Investigación Agroalimentaria e Forestal. Documento estratéxico. Xaneiro 2015 (Ministerio de Agricultura, Pesca e Alimentación)
http://www.idi-a.es/sites/default/files/magrama_programa_nacional_de_innovacion_e_investigacion_agroalimentaria_y_forestal_0.pdf
- ✓ Para obter máis información, consulte a sección 8.2.13.3.3 del Programa de Desenvolvemento Rural de Galicia 2014-2020

